

444

D

349


4
DISCVRSVS
THEOLOGO.
POLYTVS 444
D349

De
Romani Imperij duratione usque ad
consummationem sæculi.

In quo
Disquiritur; An Occidentale Imperium in Carolo Ma-
gno redintegratum, sit idem cum Romano, de quo
in vaticiniis Danielis & Joannis?

ITEM;
*An probabiliter ex Scripturis colligi possit, præsens
Imperium Germano-Romanum brevi interitum esse?*

Apocal. 22.
*Ne signaveris verba prophetiæ libri hujus.
Tempus enim propè est.*




Anno Domini M. DC. XLI. e 2.

I. Petr. III. v. 15.

*Dominum autem Deum sanctificate in cordibus vestris,
parati semper ad satisfactionem omni poscenti ratio-
nem de eâ, quæ in vobis est spe.*





DISCURSUS
THEOLOGO-
POLYTICUS

De

Romani Imperij diuturnitate, &c.

QUÆSTIONES tres, de Romani Imperij constitutione ac continuatione proponuntur, ut de iis sententiam meam, in timore Domini, breviter & succinctè exponam.

PRIMA est. *An ex Vaticinijs, Danielis & Ioannis, probari possit, Romanum Imperium duraturum esse usque ad finem seculi?*

SECUNDA. *An Imperium Occidentale in Carolo Magno erectum, sit planè idem cum Romano Imperio, de quo in Scripturis?*

TERTIA. *An præsens Imperium Germano-Romanum brevi ruiturum esse, probabiliter ex Scripturis colligi possit?*

IN PRIMA quæstione mentio fit *Danielis & Ioannis*; ut qui sint duo illi Prophetæ, qui præ omnibus alijs de Romano Imperio luculentam mentionem fecerint: & omnium tempo-

A 2

rum

rum Chronologi sint nobilissimi ac certissimi. In SECUNDA, prudenter præsumitur, Romanum Imperium ambiguè dici. Non enim agitur de Romano imperio, quod falsâ hominum persuasione sic dicitur: sed de eo, quod est ejusmodi certo ac infallibili indicio & judicio ipsius Dei, in Scripturis loquentis. In TERTIA notandum illud, *Probabiliter*. Futurorum enim contingentium non est determinata veritas: & Deus solus is est, qui sibi certam ac infallibilem eorum præscientiam vendicat tanquam propriam. Et licet multa ex iis, quæ citò ventura sunt, ipse in Scripturis certò ac infallibiliter revelaverit: nobis tamen non semper æque certò atque infallibiliter innotescunt: ut qui Prophetæ quidem sumus, non ad prædicendum futura: sed ad interpretandum prædicta, in quo labi possumus, & deficere. His itaque præmissis, ad rem ipsam accedens,

Respondeo;

Ad PRIMAM. *Romanum Imperium à primâ sui constitutione, continuabitur usque ad consummationem sæculi.* Hæc veritas communiter ab omnibus est recepta, & vix patitur ullam contradictionem. Attamen quia non omnes ad eam probandam iisdem nitantur & utantur fundamentis, breviter expediam, ex quibus potissimum Sacræ Scripturæ locis eadem comprobari possit, ac debeat. Loci Scripturæ præcipui sunt tres. PRIMUS est Dan. 2. ubi Prophetæ successionem describit præcipuorum regnorum per statuum quandam: cujus caput aureum significat regnum Assyriorum: Pectus & brachia argentea regnum repræsentant, Persarum & Medorum: venter & femora ænea, regnum præfigurant Græcorum: Tibiæ duæ ferreæ regnum designant Romanorū. Finitâ verò illius statuae descriptione, in decem cornibus, id est, Regibus, sive regnis, subditur vers 44. *In diebus regnorum illorum suscitabit Deus populo,*
cali

cæli regnum, quod in æternum non dissipabitur, & regnum ejus alteri populo non tradetur: comminuet autem, & consumet universa regna hæc: & ipsum stabit in æternum. Regnum intelligens Messia, non humile, in adventu primo: sed gloriosè manifestandum in adventu secundo. Id apparet ex duobus minimè dubiis argumentis. Primò, quia hoc regnum destructivum est omnium aliorum regnorum hujus mundi: quod non convenit humili Messia regno, Joan. 18. 38. Sed Regno Messia Glorioso, de quo Paulus 1 Cor. 15. 14. *Deinde finis*, post resurrectionem Iustorum in adventu ejus: *cum tradiderit regnum Deo & Patri, cum evacuaverit omnem principatum, & omnem potestatem & virtutem.* Deinde, quia hoc regnum alteri populo non tradetur: quod etiam humili Messia regno non competit: ut quod à Judæis sit ablatum, & traditum gentibus. Matth. 21. 43. sed convenit glorioso Messia regno, quod revera est, & dicitur, *immobile.* Hebr. 12. 28. *& æternum.* 2 Petr. 3. 11. Locus Parallelus huic lucem inferens, extat Apoc. 11. 18 *Facta sunt regna hujus mundi, Domini nostri, & Christi ejus, & regnabit in secula sæculorum, Amen.* quod futurum prædicitur in diebus Tubæ septimæ, quæ est novissima, & tuba est consummationis. Apoc. 10. 7. Ex quibus necessariò colligitur, Romanum Imperium usq; ad finem sæculi continuandum esse.

SE C U N D U S locus, Dan. 7. Vbi quatuor illas partes principales præcedentis statua, de novo repræsentat per quatuor Bestias quasdam: quarum *prima* Assyriorum, similis est leoni: *Secunda* Persarum, similis Urso: *Tertia* Græcorum, similis Pardo: *Quarta* denique Romanorum, quæ Bestia est *decem cornuum*, & similis est præcedentibus tribus. Os enim habebat Leonis: corpus totum erat pardale: ac pedes Ursini: quod nunquam scivissem nisi id docuisset Joan. Apoc. 13. 2. Absolutâ verò descriptione hujus Bestiæ quartæ, quâ repræsentare diximus Monarchiam Romanorum; iterum devolvitur

Propheta

Propheta in secundum Domini adventum, & gloriosum ejus regnum. *Adspiciebam, inquit, donec throni positi sunt: & Antiquus dierum sedet. Item; Ecce cum nubibus cæli, quasi filius hominis veniebat: & datum est ei regnum, quod non corrumpetur. Acrursus; Donec venit Antiquus dierum, & iudicium dedit Sanctis excelsi & tempus ad venit, & regnum obtinuerunt. Atque iterum; Iudicium sedebit, ut auferatur potentia ejus, & conteratur, & dispereat usque in finem. Regnum autem & potestas, & magnitudo regni, quæ est subter omne cælum, dabitur populo Sancto Altissimi, cuius regnum, regnum sempiternum est.* Locus huic parrallelus, vel ipsius Bellarmini iudicio lib. 3. de Rom. Pontif. cap. 9. extat apud Joannem Apoc. 20. *Post hac oportet illum solvi modico tempore, & vidi sedes, & sederunt super illas: & iudicium datum est eis, id est, regnum: quia sequitur; Et regnaverunt cum Christo.*

TERTIUS locus est. Apoc. 17. Vbi Ioannes quartam Bestiam Danielis, quam diximus Romanam Monarchiam, describit secundum omnia tempora, præteritum, præsens, & futurum. *Bestia, inquit, quam vidisti, fuit, & non est, & tamen est, & ad scensura est de abyssu, & in interitum ibit.* Ipsa olim fuit, nempe, antequam fieret quarta Monarchia, quando extabat in quinque primis capitibus: *Non est, & tamen est,* in capite sexto, quod est Romanorum Imperatorum: Ex quibus tunc, cum hæc scriberet Joānes, Domitianus erat mortuus: sed statim ei successurus erat alter, & sic deinceps. *& ad scensura est de abyssu,* in septimo capite, quod nondum venit, quod nullus ambigit Antichristum futurum, ut qui Rex septimus, id est, ultimus sit Romanorū, tamen sine nomine Romani Imperatoris: quæ loci interpretatio est ipsius Joannis. Dicitur autem eadem Bestia ad breve tempus manere, cum certo respectu, ad novissimam illam persecutionem, quam suscitabit Antichristus in eo ordine novissimus ac cæteris major, quæ duratura est mensibus quadraginta duobus, Apoc. 13. 5. Quibus expletis, mox
ad

aderit secundus Domini adventus; ideo sequitur; *Hi pugnant cum Agno, & Agnus vincet illos, quoniam Dominus dominorum est, & Rex regum: & qui cum illo sunt; Vocati, & Electi, & fideles:* quæ Agni & Sanctorum ejus Victoria, latius explicatur, Apoc 19. 14. 15. 16. 19. Durabit itaque Romanum imperium, usque ad consummationem sæculi, in secundo Messiae adventu.

TESTIMONIIS hisce tribus ex Daniele & Joanne, quartum addendum est ex Paulo, 2 Thess. 2. *Qui tenet, teneat: donec e medio fiat. Et tunc revelabitur ille iniquus, quem Dominus Iesus interficiet Spiritu oris sui: & destruet illustratione adventus sui eum.* Græcè est ὁ κατεχων, tenens, sive possidens: id est, ille qui tenebat, sive possidebat totius orbis imperiū. Et intelligitur non Vnus singularis Imperator, sed in genere omnes, à primo usque ad novissimū: unde suprā nominaverat τὸ κατεχόν, imperiū ipsum. Eidem opponitur, ὁ ἀνομ. &, iniquus ille, quem Antichristum significare nullus ambigit: qui futurus est, vel ipsius Augustini iudicio, non unus tantū singularis homo: sed ex vi oppositionis, genus quoddam hominum sibi ex ordine succedentium, In Apocalypsi cap. 17. *Caput sextum*, non est unus tantum singularis Imperator; sed Imperatores omnes. Ergo & *caput septimum*, quod omnes interpretantur Antichristum, non est unus singularis Antichristus, sed Antichristi in eo genere & ordine omnes, à primo usque ad novissimum. Id enim postulat ratio & ordo capitum; ac eorundem in idem regnum successio. Sensus itaque verborum est, Regnum Antichristi non poterit revelari, nisi prius e medio sit sublatum Romanum Imperium. Et in eo consentiunt omnes veteres & Recentiores.

NO LUIT autem Paulus Romanum imperiū apertè nominare, ne fortè frustrā inimicitias susci-peret, & inutilia pericula incurreret, ut rectè observavit Chrysostomus: in quæ, cum fidelibus necessariò incidisset, si apertè dixisset, Romanum imperium destruendum, quod Romani nominabant, Æternum.

Et

Et duplicem illis verbis, Antichristi interitum, insinuat Paulus; Vnam primam, quæ fiet Spiritu oris Christi, id est, effici-
ciâ Evangelicæ prædicationis: Alteram corporalem & visi-
bilem, quæ fiet illustratione præsentia ejus in secundo adven-
tu: cujus interpretationis testem habent Evangelici, ipsum
Cardinalem Cajetanum in 2 Thess. 2. *Differentia, inquit, est in-
ter consumptionem, & destructionem. Consumptio Spiritualis est. Con-
sumet enim Spiritu oris sui, id est, Spiritu sermonis Evangelici, ubi
multi ad veritatem Evangelicam convertentur, ac multi persevera-
bunt usque ad Christi adventum.* Ea significatio est verbi ἀναλίσκειν
Galat. 5. 15. *Si invicem mordetis, & comeditis, videte ne ab invicem
consumamini.* Sic tempus dicitur ἀναλίσκειν τὸ καλὸς, pulchritudi-
nem consumere, non simul ac semel, sed sensim, & pedeten-
tim, ac lento quasi gradu.

Romanum itaque imperium in *sexto capite*, quod est Roma-
norum Imperatorum, continuabitur, usque ad adventum An-
tichristi, in quo illud ipsum renovabitur, ac restaurabitur, ut
qui Bestiæ Romanæ futurus esset *caput septimum*, id est, ultimū:
& in eo continuabitur usque ad Christi adventum: qui Anti-
christum, non primum, non medium, sed ut probè alibi distin-
xit Augustinus, novissimum, ac cæteris majorem, illustratio-
ne præsentia suæ est penitus aboliturus.

Atque hæc sufficerent, pro Responsione ad quæstionem
primam. Sed operæ pretium erit, priusquam ad sequentes
quæstiones progrediamur, ut videamus, quo ordine & modo,
ac quibus gradibus Romanum imperium ad finem usque sæ-
culi, describatur provehendum. Nam ea res magnam hisce
vaticinijs lucem inferet: & copiosa suppeditabit argumenta,
ad dissolvendum omnia dubia, quæ circa hanc materiam, mo-
veri possunt, ac solent. Ponam itaque, & probabo aliquot
propositiones.

P R I M A propositio. *Romanum Imperium in suo exortu,
Imperium*

Imperium unitum fuit, quod se duabus quasi tibis, ab occidente in Orientem dilatavit, & decem sibi habuit subiectos reges, sive regna, ex quibus ipsum, tanquam ex totidem suis partibus principalibus constituit. Probat, quia Daniel cap. 2. vidit duas Tibias huius statuæ in supremâ parte circâ ventrem conjunctas : nec potuissent postea hæ duæ Tibiæ, in decem Reges, sive regna dissolvi, nisi jam ante ex illis constitissent. Ex quo enim quid constat, in id, & non aliud, dissolvitur. Et respondit eventus, Romanum imperium ab initio in Occidente sibi obnoxiam habuit, Italiam, Hispaniam, Galliam, Germaniam, Hungariam & Bulgariam: in Oriente; Græciam, Natoliam sive Asiam minorem, Syriam & Assyriam, Ægyptum, Africam, cum suis, appendentiis & dependentiis, de quibus consulendi Historici.

*SECUNDA propositio. Romanum Imperium in suo progressu, Imperium fuit Bipartitum: Probat, quia statuæ illius duæ Tibiæ circâ genua apertè à se invicem fuerunt divisæ. Et respondit eventus, Imperium enim Romanum, bipartitum factum fuit, mox à temporibus Constantini Magni, anno 363. quando sedes imperij translata fuerat Constantinopolim; de quo consulendus Andrichomius. Illa tamen divisio non fuit inimica, sive partialis: sed amica & socialis. Imperatores enim tam Orientis, quàm Occidentis, semper durante illa divisione, manserunt *κοίῳνοι* unius ejusdemque Imperii, cujus propria sedes erat Roma: quod doctissimus Daniel Chamierus conqueritur à multis non fuisse observatum, lib. 17. de Antichristo cap. 24.*

TERTIA propositio. Romanum imperium in suo fine, imperiū fuit distractum, sive divulsū in decem regna, & in eo illius veteris Romani imperij fuit finis. Probat, quia statua illa Danielis in fine duarum Tibiarum, tota dissoluta fuit in duos pedes, & illi singuli in quinque pedum articulos, qui simul numerati, faciunt decem. Ergo hîc imperium representatur in decem

B

regna

regna dissolutum. *Regna* dico, quia Reges passim pro Regnis accipiuntur, tùm à Daniele, tùm à Ioanne: quia quando de Monarchijs sermo est, non tam agitur de personis, quàm de rebus. Nec alia regnorum distractio hic intelligenda est, quàm inimica & fatalis, quia sequitur apud Danielem vers. 44. *quia commiscebuntur quidem humano semine: sed non adhærebunt sibi, sicut ferrum misceri non potest testa.* Hoc omne ex mente omnium veterum sic expressit Hyeronimus; *Ergo dicamus, quod omnes Scriptores Ecclesiastici tradiderunt; in consummatione mundi, quando regnum destruendum est Romanorum, decem futuros Reges, sive regna, qui orbem Romanum inter se dividant: & undecimum, &c.* Et respondit Eventus. Nam in Occidente, Romanum imperium penitus collapsum, & ad Barbaros devolutum fuit, anno Domini 476. Et in Oriente plenis velis ad interitum provehebatur. Præviderat hoc ipsum Hieronymus ad Ageruchiam; *Qui tenet, de medio fit: & non intelligimus Antichristum appropinquare, quem Dominus Iesus Christus conficiet spiritu oris sui?* Indeque percurrit clades jam tùm temporis acceptas in varijs provincijs ad Septentrionem & occidentem. Non dixit tamen, *De medio factus est:* sed tantùm de medio fit, divinans illas esse clades, universæ ruinæ paulò post futuræ. Nec falsus vates. Nam ea subsequuta sunt tempora, quæ *Salvianum* impulerint, de Gubernatione Dei lib. 4. ut diceret; *Romanam Rempublicam, vel jam mortuam, vel certè extremum Spiritum agentem.* Et Episcopi Galli in Synodo Rhemenfi sub Hugone, & Roberto Francorum Regibus c. 28. *Imperij occasum* nominare non verentur. Ac denique Andræas Cæsarex in Cappadociâ post Basilium Episcopus, anno Domini 530. in Apocalypsin commentariorum cap. 53. *Antiqua, inquit, Roma jam olim imperij maiestatem amisit: Nisi quis forsan arbitretur pristinam dignitatem & maiestatem suo postea tempore denuò recuperaturam.* Quod certè futurum erat sub Antichristo, in quo vetus illud imperium erat

rat

rat redintegrandum. Ideò Daniel, eam veteris Romani imperij, quam inchoaverat cap. 2. in duabus Tibijs, Chronotraxin; capite 7. resumit & persequitur, in descriptione quartæ Bestiæ: ac in eâ meminit alicujus parvi cornu, sub quo decem illa regna, in quæ nunc dissoluta erat tota compages Veteris Romani imperij, recolliguntur. Sit ergò.

QUARTA propositio. *Romanum imperium in decem regna divisum, sub parvo cornu, quem nullus ambigit esse Antichristum, renovatur, & in pristinam dignitatem, ac majestatem quodammodo restituitur.* Probat, quia ex decem illis cornibus veteris Romani imperij, parvum hoc cornu tria humiliat, & reliqua septem sibi subjicit, ut non ineptè ex Dan. 11. collegerunt veteres, quorum mentem suprà laudatus Hieronymus, ita persequitur; *Vndecimum surrecturum esse parvum cornu, regem parvulum, qui tres reges de decem Regibus superaturus sit; id est, Ægyptiorum regem, & Africa, & Æthiopia, quibus interfectis, etiã alij septem reges victori colla submitunt.* Quæ postrema verba, *de tribus Regibus, Ægypti, Africa, & Æthiopia*, non sunt omnium veterum, nec proprie accipienda sunt, & secundum literam, sed figuratè de tribus quibuslibet olim imperio Romano subjectis. Nam verba illa apud Daniele propriè dicuntur de Antiocho, qui figuram gerebat Antichristi: & Æthiopia, quod Hieronymo nō erat incognitum, nunquā Romano imperio fuit obnoxia. Nec defuit eventus. Nam Antichristus Romanus *primum* cornu de illis decem, quæ olim Romano imperio subjiciebantur, excussit, quando Gregorius secundus excommunicavit Leonem Imperatorem Græcum Iconomachum, & prohibuit illi tributa ab Italis reddi, & paulatim principatum ejus, id est, Exarchatum Ravennæ obtinuit. *Secundum* verò cornu excussit, quando Zacharias Papa, deposuit Childericum Regem Francorum, & Pipinum pro eo creari jussit. *Tertium* denique excussum fuit, quando Gregorius septimus, excommunicavit,

& deposuit Henricum quartum Imperatorem, de quibus in suo Chronico, Theodorus Bibliander.

QUINTA propositio. *Romanum imperium, in parvo cornu (Antichristo) redintegratum (quem Ioannes vocat, Bestiam adscensuram ex mari Apoc. 13. sive, Bestiam adscensuram de abyssu, quae septimum constituit eiusdem imperij caput, Apoc. 17.) de novo lethaliter vulneratur, & decem Reges de novo ab eo deficiunt. Probatur; quia Apoc. 13. expresse dicitur: Et vidi unum, id est, precipuum, de capitibus eius, quasi occisum in mortem: videlicet, caput septimum. Nam ut recte Bellarminus lib. 3. de Rom. Pontif. cap. 15. Prior Bestia significat, vel Romanum imperium, vel multitudinē impiorum. Vnum autem; id est, precipuum eius caput, quod visum est mori & resurgere, esse Antichristum. Erit enim Antichristus supremum & ultimum caput impiorum; & est ultimus Rex qui Romanum imperium tenebit, tamen sine nomine Romani Imperatoris.*

Esse autem Bestiam hanc Ioannis Apoc. 13. planè eandem cum parvo cornu Danielis, patet ex huius & illius collatione. Parvum illud cornu, Dan. 7. os habet loquens ingentia, & sermones loquitur contra excelsum, ac majus est cæteris, atque bellū gerit cum Sanctis, & prævalet eis, & traduntur in manu eius usq; ad tempus, tempora, & dimidium temporis. Eodem modo, Bestia Apoc. 13. os habet loquens magna, & os aperit in blasphemias ad Deum, & potestatem habet in universam terram: atque bellum facit cum Sanctis, & vincit eos, ac traduntur in manu eius mensibus quadraginta duobus; quæ sunt quatuor illa tempora novissimæ persecutionis parvi cornu Antichristi. Ex quâ collatione cuius certò constare potest, parvum illud Danielis cornu, & hanc Bestiam Apocalyptricam Ioannis, unum esse & idem.

Quod ergo Daniel omiserat in descriptione parvi cornu, futurum ante novissimam illam persecutionem; id noster Ioannes persequitur & pertexit, supplendo quod deerat in visione

sione Danielis: (quomodo Prophetæ posteriores, prioribus lumen ac perfectionem inferre solent) ac docet, parvum illud cornu accepisse læthale aliquod vulnus, nempe, in novâ quadam defectione decem illorum regum. Apoc. 17. 13. Vbi de decem illis Regibus dicitur, *quod unum habeant quidem cum Bestiâ consilium, & virutem, ac potestatem suam Bestiæ tradant: sed statim sequitur, quod ab eâdem deficient, & odient fornicariam, & desolatam facient eam, & carnes ejus manducabunt, & ipsam igne concremabunt.* Et respondit eventus. Nam ab eo tempore quo reformari cœpit Ecclesia per prædicationem Evangelij, Regnum Antichristi Romani, mirum in modum luxatum fuit: quâ de re lamentatur ipse Bellarminus lib. 3. de Rom. Pontif. c. 21. sequentibus verbis; *Nam ab eo tempore, quo per vos Papa Antichristus esse cœpit, non modò non crevit ejus imperium, sed semper magis ac magis decrevit. Amisit enim Romana sedes Africam pænè totam, Asiæ maximam partem, Græciam universam. Nostris verò temporibus, quibus vos Antichristum maxime furere vociferamini, tam prosperè scilicet illi omnia successerunt, ut magnam Germaniæ partem amiserit, Suetiam, Gothiam, Norvegiam, Daniæ universam, bonam Angliæ, Galliæ, Helvetiæ, Poloniæ, Boëmæ ac Pannoniæ partem. Nondum tamen illud vulnus ad prædictam suam maturitatem pervenit; quia decem illi reges, urbem Romam, omnium fornicationum, matrem, nondum igne concremarunt. Cùm verò ad summum pervenerit illa plaga mortis, ut regnum Antichristi verè dici possit, quasi mortuum: tunc decem illi Reges, de novo cum Bestiâ Romanâ conspirabunt. Hic igitur esto,*

S E X T A Propositio. *Romanum imperium, regnante Antichristo, ex hoc læthali vulnere, rursus convalescet, & quasi ex morte resurget; decem illis regibus de novo cum eo conspiraturis.* Probatur; quia Apoc. 13. satis disertè dicit Joannes; *Et plaga mortis ejus curata est: quod ad minimū ter, in eodem capite repetitur. Illius verò plagæ curatio, sive sanatio, sive restitutio, sive instauratio, vel*

quocunque alio nomine veniat; in eo potissimum consistit; quod decem illi reges, de novo cum Antichristo sint conspici-
raturi, & simul defeturi finalem ac totalem urbis Romæ
ruinam, ut videre est ex Apoc. 17. 17. *Deus enim dedit in corda*
eorum, decem Regum, ut faciant quod placitum est illi, nempe in
desolatione illius Romanæ meretricis, de quâ in versu præce-
dente: & ut faciant (de novo) unam sententiam: ut dent regnum
suum Bestiæ, donec consummentur verba Dei, nempe in finali &
totali, ipsius meretricis, & Bestiæ interitu, qui describitur A-
poc. 18. & 19. Notandus est imprimis vers. 8. 9. capit. 18. Idè in
unâ die venient plaga ejus, mors & luctus, & fames & igne combure-
tur: quia fortis est Deus, qui judicabit illam. Et flebunt, & plangent se
super illam Reges terræ, qui cum illâ fornicati sunt. Illi idem reges,
qui in primâ illâ Romæ ruinâ, & læthali illâ Bestiæ plaga fue-
runt actores: rursus de novo cum eâ conspirabunt, & in illius
ruinâ finali erunt lamentantes.

SEPTIMA Propositio. *Romanum imperium restauratum ac*
sanatum, multò apparebit gloriosius, quam unquam ante, & no-
vissimam adversus Sanctos suscitabit persecutionem; atque eam qui-
dem per Antichristum, in eo ordine & genere novissimum, ac ceteris
majorem: quâ consummatâ, mox aderit totalis ac finalis illius imperij
interitus. Probatur; quia post restauratum vulnus Bestiæ, & no-
vissimam Sanctorum persecutionem. Apoc. 13. Evangelium
de novo incredibili velocitate per universum terrarum orbem
prædicabitur, & tanquam fulgur exibat de oriente in occiden-
tem. Apoc. 14. Et septem novissimæ Phialæ, in quibus consumma-
ta est ira Dei, Apoc. 15. ad prædicationem Evangelij in Bestiam
& ipsius assecclas & conjuratos, modo prorsus admirando &
stupendo ut olim in Ægyptios, effundentur. Apoc. 16. quarum
novissima, certissimam & irreparabilem omnibus regnis hu-
jus mundi, afferet ruinam: Apoc. 16. 18. 19. 20. quæ in sequenti-
bus capp. 18. 19. latius deducuntur. Ac denique regnum da-
bitur

bitur populo Sanctorum Altissimi, regnum illud immobile æ æternum, in secundo Domini adventu. Etiam. Amen.

En itaque totius Romani imperij, tùm veteris, sub Romanis Imperatoribus; tùm Novi, sub Antichristo Romano; à primo suo initio, usque ad consummationẽ sæculi accuratissimã & certissimam Chronologiam; quæ cavillis quibusdam arrodi; nunquam tamen serijs argumentis poterit infringi, multò minus convelli. Atque hæc de quæstione primâ, Pergo. Et,

Respondeo,

Ad SECUNDAM. *Occidentale Imperium in Carolo Magno à Pontifice Romano redintegratum. sive renovatum, non est idem cum illo Romano imperio, de quo mentio fit in Scripturis.* Quinimò nulla magis expressa mentio fit in Scripturis de Caroli imperio; quam de regno, aut Galliæ, aut Hispaniæ, aut Portugaliæ, aut aliorum particularium. Quare, meo iudicio, valde temerarij sunt, qui ex vaticijs Danielis & Joannis, certi aliquid statuere præsumunt, de duratione & continuatione illius imperij, usque ad finem sæculi. Non entis, nulla sunt accidentia. Si igitur imperium in Carolo erectum, Scripturis illis sit ignotum: nulla etiam ex iisdem pro illius diuturnitate peti poterunt argumenta. Fateor hoc imperium dici, *Romanum*, sed nullâ aliâ, quàm falsâ Romani Pontificis nomenclaturâ: qui hoc, quicquid est nominis, Caroli imperio indidit, ne putaretur ipse esse, qui sine nomine Romani imperatoris, antiquum illud imperium collapsum, in ipsa urbe Roma cœperat invadere. Regula juris est; *Nominibus diversis non esse nominanda, quæ censentur eadem.* Ergo ex lege contrariorum; iisdem nominibus nominanda non sunt, quæ censentur diversa: qualia sunt hæc duo; Romanum imperium, in Scripturis celebre; & imperium Caroli Scripturis prorsus incognitum.

Proba.

Probatur ejusmodi esse, sequentibus argumentis. *Primò*, quia Romanum imperium, de quo fit mentio in Scripturis, quodque continuandum prædicitur usque ad consummationem sæculi, propriam habet sedem in urbe Româ: unde illi, & nomen, & ratio. Sic enim Joannes Apoc. 17. Bestiam Romanam describit per omnia sua tempora, *præteritum, præsens, futurum: præteritum*, in quinque capitibus ejus, quæ ceciderant: *præsens*, in capite sexto, quod erat Romanorum Imperatorum: *futurum*, in capite septimo, id est, ultimo, quod est ipsius Antichristi: Et per omnia tempora, *mulier illa meretrix, sive urbs illa imaginû cultrix*, quæ illi præsidet, depingitur *sedere super montes septem: & regnum habere super Reges terra*: quæ nulla alia urbs est, præterquam Roma, undè ipsa *ἑπτάλοφος*, Græcis, & Latinis, *Septicollis* dicitur. Martialis eam nominat; *Terrarum Deam, gentiumque*: quod utrumque Propertius unico versu est complexus; *Septem urbs alta jugis, toti quæ præsidet orbi*. Hinc constat Romanum imperium, propriè dictum, urbi Romæ affixû esse, nec ab eâ sede divelli posse. Rectè Orosius lib. 1. Histor. cap. 1. *Sub potestate urbis, orbis remansit imperium*. Id ex Hieronymo fortassis didicerat, qui deplorans urbis Romæ interitum, in præfatione suâ Ezechielis ca. 1. *Clarissimum*, inquit, *terrarum omnium lumen extinctum est, imò Romani Imperij truncatum caput, & ut verius dicam; In unâ urbe, totus orbis interijt*.

Jam verò notum est, Occidentale hoc Caroli imperium, nunquam pro sede suâ habuisse urbem Romam: proinde non posse propriè & secundum Scripturas dici Romanum. Nec
 cb. juvat exceptio, quod multi olim fuerint Romani Imperatores, qui Româ caruerunt, ut Valens, Arcadius, Theodosius junior, & alij eorum successores, usque ad Justinianum. Nam
 A licet illi Româ caruerint, tamen, jus & dominium semper in eam urbem retinuerunt; utpote *κοινῶναι*, unius ejusdemque imperii, cujus propria sedes erat Roma, ut suprà monuimus, &
 Chamie.

Chamierum nominavimus de eâ re consulendum.

DEINDE; quia Papa Romanus, plus quam centum annis, ante exortum Caroli Magni, in urbe Roma, Romani imperij propriâ sede, temporale accepit dominium. Cœpit enim ille gladium temporalem: id est, temporale dominium habere saltem ab anno 699. Tunc enim Aripertus donavit Pontifici Romano alpes Coctias, ubi nunc Genua est: & postea anno 714. eam donationem confirmavit Luitprandus, ut scribit Ado Viennensis in Chronico horum annorum. Blondus lib. 10. Decadis primæ: & idem fatentur Magdeburgenses, Centur. 8. cap. 10. & Theodorus Bibliander, qui hoc anno 714. annotat, factam esse primam provinciam papisticam. Non diu post, id est, anno 755. donavit Pipinus, Romanis Pontificibus Exarchatum Ravennæ cum magnâ parte Italiæ, ut testatur Regino, Ado, Sigebertus, Blondus l. 1. secundæ Decadis, B. Æmilius, & ipsi etiam Centuriatores, ubi suprâ: ac Theodorus Bibliander in Chronico.

Si igitur Papa Romanus ab eo tempore, Romam semper tenuit: certè, continuatio Romani imperij propriè dicti, in nullo alio quærenda erit, quàm in ipso Papa Romano. præsertim cum idem Papa, Carolo Magno Francorum Regi, nomen & titulum Romani Imperatoris attribuerit: eo ipso demonstrans se Imperatore majorem esse; unde etiam eidem juramentum præstitit fidelitatis: ut penes quem sit, si causa necessariò postulet, ex plenitudine potestatis, Imperatores deponere, inque locum eorum alios sufficiendos procurare. Ita enim in creatione & coronatione Caroli, Baronius.

PRÆTEREA; Nemini dubium esse debet; Papam jam pridem factum esse Romanæ Bestiæ septimum caput, id est, ultimum Romanorum Regem, sine nomine tamen Imperatoris. Probatur id *primò*, ex testibus fide dignis, & omni apud ipsos Pontificios, exceptione majoribus, Ita enim *Thomas Aquinas*,
C
cujus

cujus scripta à duobus Romanis Pontificibus, sunt approbata, ex ipso Leone in 2 Thess. 2. *Quomodo est hoc, quia jam diu gentes à Romano imperio recesserunt, & tamen necdum venit Antichristus? Respondet, quod nondum cessavit: sed commutatum est de temporali in Spirituale.* Cessavit itaque, ipsius judicio, Romanum imperium Verus, non tamen simpliciter cessavit, sed in locum ejus successit imperium Romanum Spirituale; id est, in locum veterum Romanorum Imperatorum, successerunt Romani Pontifices: & nisi oculi ejus à Deo hujus sæculi fuissent fascinati, ex eo collegisset, Romanum Pontificem esse Antichristum, si non in illo ordine novissimum: attamen in eodem regno prædecessorem aliquem. Magis candidè in hanc rem *Augustinus Steucus* pro eminentiâ donatione Constantini; *Everſo*, inquit, imperio nisi Deus Pontificatum restituiſſet, futurum erat, ut Roma à nullo excitata, & restituta, inhabitabilis, post hæc fœdissima Boum & pecorum futura esset habitatio. At in Pontificatu, etsi non illa veteris imperij magnitudo, specie certè non longe dissimilis, renata est, quia gentes omnes ab ortu & occasu, haud secus Pontificem Romanum venerantur, quàm olim Imperatoribus parebant. Omnium verò synce-
rissimè Blondus, quem passim laudat Bellarminus, lib. 3. in-
stauratæ Romæ; ubi inter alia, *Restauratum in Romano Pontifice imperium magnificè deprædicat; Dictatorem, inquit, nunc perpetuum, non Caesaris: sed Piscatoris Petri successorem, & imperatoris prædicti vicarium Pontificem summum, Principes orbis adorant, & colunt. Nunc orbis terrarum Cardinalium Senatum in Vrbe Româ, post Pontificem veneratur.*

SE CUNDO, probatur ex rebus ipsis. Etiam si enim hi Ro-
mani Caisar non prophetassent, idè tamen pateret per ipsam
experientiâ. Nam Pontifex Romanus sensim & gradatim sibi
omnia Veteris imperij propria insignia & ornamenta assum-
sit, videlicet, vestes, & calceos purpureos; Senatum Cardinali-
tium, purpurâ indutum: jus Canonicum ad imitationem juris
Civilis,

Civilis; potestatem apotheoſeos, ſive Canonifandi Sanctos: Nuncios, quos appellant à latere, quales fuerant Imperatorū, vel iſſis regibus æquiparandos: papales indiſtiones ad ſimilitudinem Imperialium; coronam Imperialem, ſed triplam: tributa non tam multa quidem, ſed magis innoxia; officia denique debita & humiles ſubjectiones omnium Principum, &c. quæ qui audit, videtq; nã ille prorsus ſurdus & cæcus eſt, qui hic non animadvertat alium Imperatorem in urbe Roma, quàm fuerunt antiqui illi Imperatores; qui quidem nomen Imperatoris, non habeat, ſed mutato nomine, rem ipſam teneat.

Neque illud QUARTO loco prætereundum eſt, Si Antichriſtus jam pridem in urbe Roma conceptus, natus, confirmatus, revelatus fuit; tum neceſſariò ſequitur: Romanum imperium vetus, jam pridem è medio ſublatus fuiſſe, & ei novum ſucceſſiſſe, ipſius Antichriſti: proinde Occidentale illud imperium in Carolo Magno erectum, nullo modo pro Romano habendum eſſe, nec ei ſingularem aliquem locum in Romano imperio aſſignari poſſe: ſed Antichriſto inſervire pro larva & velamento nominis. Atqui omnes Evangelici jam ante annos quingentos confeſſi ſunt, & multorum milium Sanctorum Martyrum ſanguine hæc confeſſio confirmata fuit: *Romanum Pontificem, in urbe Româ ſublimatum, eſſe ipſiſſimum Antichriſtum*: & à nullo negari poteſt, niſi qui relictis caſtris Iſraelis, impiè ac perfidè tranſire velit ad caſtra Philiſthinorum. Audiantur hac de re, patheticæ declamationes ipſorum Epiſcoporum Germaniæ in Synodo Reginoburgensi, apud Aventinum lib. 7. Annalium; *Romani majeſtas populi, quæ olim orbis regebatur, ſublata eſt de terris. Imperator vana appellatio, & ſola umbra eſt. Reges decem pariter exiſtunt, qui orbem terræ Romanum quondam imperium, non ad regendum, ſed ad conſumendum partiti ſunt. Decem cornua, id quod Auguſtino incredibile viſum eſt;*

Turca, Græci, Egyptij, Afij, Hispani, Galli, Angli, Germani, Siculi, Itali, Romanas provincias possident, Romanosque in his excidère colonos Cornu parvulum sub his succrevit, quod oculos habet, & os loquens grandia, &c.

DENIQUE, quod vel maximè stringit, Si imperium in Carolo Magno redintegratum, sit planè idem Romanum imperiū cum eo, de quo in Scripturis propheticis, & imprimis in vaticinijs Danielis & Joannis, sermo est; quod nemo dubitat solum esse imperium Romanum verè & propriè dictum: tum necesse est, ut unum statuatur ex his tribus; Aut una erit ex duabus tibijs Danielis: aut erit parvum illius cornu, quod Joanni est Bestia ad scensura de abyſſo: aut denique erit caput illud lathaliter vulneratum Apoc. 13. quod quidam existimāt esse caput sextum Romanorum Imperatorum. Quartum non datur eligi, quia in his solis tribus Veteris Romani imperij continuatio describitur in Scripturis: ut ex ijs, quæ suprà à nobis disputata sunt, vidimus.

Jam assumo, procedendo ordine retrogrado, à novissimo ad primum Imperium Caroli, non est caput illud, lathaliter vulneratum. Apoc. 13. ut apparet ex multis. Nam primo, Joannes vidit Bestiam adscendentem ex mari, id est, ex plagâ occidentali, non in sexto capite Romanorum Imperatorum, quod jam diu exortum erat, ante conscriptam hanc Apocalypsin: sed vidit eam adscendentem in capite septimo. Non ergo potest hoc vulnus esse capitis sexti. Ita se ipsum Joannes explicat Apoc. 17. *Quinque capita ceciderunt, unum est, nempe sextum; & septimum nondum venit.* Hujus itaque exortum vidit, quod post sua tempora erat venturum: non vero alterius, quod suo tempore, extabat. DEINDE, ipsi etiam Pontificij post veteres omnes unanimi consensu statuunt hanc Bestiam adscensuram ex mari, eandem prorsus esse cum Bestiâ illa adscensura de abyſſo Apoc. 17. id est, eam esse ipsissimum Antichristum: quam

quam eorum sententiam suprâ confirmavimus. Præposterè, & tardè nimis hic sermo esset de vulnere aliquo læthali capitis sexti. Denique describitur hic triplex hujus Bestiæ Romanæ status. Unus primæ institutionis : Alter destructionis sive insecutæ corruptionis : Tertius denique restorationis, sive resurrectionis Ideò non est dubiũ, quin idem illud caput quod prædictum erat in tertio suo statu sanandum, fuerit jam antè in secundo vulneratum Non enim aliud est caput, quod vulneratur, & aliud quod sanatur: sed idem quod cadit, resurgit: & quod moritur, reviviscit. At nullum aliud sanatur, resurgit, reviviscit, quàm caput septimum, quod est ipsius Antichristi. Id vel ex eo possimũ apparet, quod Antichristus sit qui sequentem novissimam persecutionem quadraginta duorum mensium Apoc. 13. 5. suscitet, ut videre est Apoc. 11. 2. quæ incidet in finem tubæ sextæ. Ergo, caput hoc vulneratum, non est imperium Caroli Magni, sed ipsius Antichristi.

Estque hæc veritas adeò perspicua & certa, ut ipse Bellarminus lib. 3. de Rom. Pontif. cap. 5. id satis disertè fateatur; *Textus*, inquit ille, *cogit planè, ut per illud caput Bestiæ, quod mortuum erat & revixit, non intelligamus Carolum Magnum, sed Antichristum.* Rectè; quia caput hoc sanatum, sive restitutum, suscitavit novissimam persecutionem: & nullos sibi alios habebit obnoxios, quàm reprobos, *quorum nomina non sunt scripta in libro vite Agni.* Apoc. 13. 5. 8.

Assumo SECUNDO; *Imperium Caroli, non est illud parvum cornu Danielis, ant Bestia illa Ioannis, ad scensura de abyssò:* quod omnes fatentur, & nos suprâ abundè probavimus eum esse Antichristum. Ipsi Pontificij omnes, qui alioqui acerrimè pugnare solent pro imperio Romano, tanquàm pro alterâ Tibiâ statuae Danielis, ne putaretur Antichristus jam pridem in Urbe Româ comparuisse, uno ore fatentur, *Patrum cornu Danielis, & Bestiam marinam Ioannis* repræsentare regnum ipsius Anti-

christi: quod illi negant revelatum esse, nullo alio inducti argumento, quàm quia regnum Caroli in occidente, sit Romanum imperium per alteram illius statuæ tibiam præfiguratum quod nunc docebimus esse falsissimum.

TERTIÒ itaque assumo; *Imperium Romanum in Carolo re-dintegratum, non est una ex duabus Tibijs statuæ Danielis*: quod tamen Pontificij, & alij, qui iis adstipulantur, falsò, putant. Sic enim Bellarminus lib. 3. de Rom. Pontif. cap. 5. *Mirabili providentiâ Dei, quando defecit imperium in occidente, quod erat altera Tibiarum statuæ Danielis, mansit incolume Imperium in oriente, quod erat altera Tibia. Quia verò Imperium orientis destruendum erat per Turcas, ut nunc factum vidimus, iterum Deus erexit in Occidente priorem Tibiam, id est, imperium Occidentale, per Carolum Magnum, quod Imperium ad huc durat.* Ego admirabilem Dei providentiam adoro, non tantùm in eo, quod cum Imperium Romanum in Occidente prius stabilitum fuerit in *Octaviano*, qui per excellentiam dictus fuit, *Augustus*, idem etiam in Occidente penitus sit collapsum in *Odoacre*, qui per contemptum dicebatur, *Augustulus*: sed etiam in eo dispensationem divinæ providentiæ veneror, quod occulto suo iudicio, nec minus iusto, Sathanæ laxaverit habenas ad puniendum contemptum sui Evangelij, ut novum erigeret in occidente imperium, per Romanum Pontificem; cui nomen attribueretur, *Romanum*: ne videlicet animadverteret populus Christianus ipsum Romanum Pontificem in urbe Romæ præsentem, & absolutum transferendi regna potestatem sibi vendicantem, esse ipsissimum Antichristum, in quo Romanum imperium verè & propriè in Scripturis dictum, continuandum esset usque ad finem sæculi. Fabula acta est Romæ, non res seria, quando Carolus Magnus Romæ creatus fuit Imperator; ut cui nullum erat in urbe Romæ dominium, in quo nunc temporaliter dominabatur Romanus Pontifex: & cui totum illud imperium erat iuramento

ramento obstrictum, ut videre est apud Baronium Pontificiæ omnipotentia hominem addictissimum.

Imperium in Carolo erectum, nullo modo haberi & dici potest, *ALTERA TIBIA* statuæ Danielis; sive Tibia illius statuæ Occidentalis. *Primo*; quia Daniel nunquam vidit statuam illam monotibialem. Inanis itaque fictio est, concipere statuam illam aliquamdiu monotibialem fuisse & durasse. Sic quidlibet ex quolibet deduci posset pro libitu. Et statua persimilis erit sono campanæ, quā id sonare nobis persuademus, quod ipsi dicere volumus. Tantum miraculum, quod mirabilem redderet Dei providentiam, si ullum fuisset, apertè fuisset in figurâ ipsâ repræsentatum. *Deinde*, absurdum est fingere velle tantam Colossam, sive tantæ molis statuam, cuius caput erat aureum; pectus & brachia, argentea: Venter & femora ænea: Duæ denique Tibiæ ferreæ; potuisse per aliquot centenos annos in unâ persistere, Tibia. Annis trecentis, usque ad Constantinum Magnum eadem statua in duabus perstiterat tibijs; At post Augustulum Romanum imperium in Occidente defecit annis trecentis viginti quinque, usque ad Carolum Magnum. Diutius itaque perstitisset in unâ Tibiâ, quam ante fecerat in duabus. *Denique*, expressè testatur Daniel, utramque hujus statuæ Tibiam, sine ulla interruptione, aut fracturâ duraturam esse, usque ad finem: donec utraque Tibia desinat in suum quæque pedem, qui separatim & abstractim singuli dissolvendi erant in quinque reges, sive regna; quæ simul collecta faciunt decem: quod in occidente factum in illius imperij defectione: & statim postea completum fuit in Oriente.

Certè; Circa idem illud tempus, quo Papa Romanus temporaliter cœpit in urbe Româ dominari, & sub initio septimi sæculi Vetus Romanum Imperium, divisum erat in decem regna; *primum*, erat; Regnum Francorum, tenentium Gaulos:
alterum,

alterum; Regnum Anglo-Saxonum, tenentium magnam Britanniam: *Tertium*, Regnum Visi-Gothorum, tenentium Hispaniam: *Quartum*, Regnum Lombardorum, tenentium Italiam: *Quintum*, Regnum Sclavorum, tenentium Illyricum, & regiones vicinas: *Sextum*, Regnum Hunnorum & Austriacorum, tenentium Hungariam & Austriam: *Septimum*, Regnum Bulgarorum, tenentium Bulgariam & Serviam &c. *Octavum*, Regnum Admiralium Damasci, tenentium Syriam, & Dominantium in Oriente. *Nonum* Regnum Admiralium Barbatiae dominantium in Africa, qui hoc ipso seculo invaserunt Hispaniam: *Decimum*, Id quod tenebat Imperator Constantinopolitanus: quæ omnia & singula partes fuere veteris Romani Imperij, nunc ab eodem distractæ & divulsæ.

Cum ergo Romanum Imperium in decem cornua, sive in decem regna (quod statuâ Danielis fuerat præfiguratum) jam pridem dissolutum fuerit ante exortum Imperium Caroli; quis non videt non posse illud Imperium, haberi & censi, pro unâ ex duabus illius Tibiis? Tibiæ duæ in decem regna distractæ erant: & sic in illis finita fuit tota illius statuæ prophetica visio. Quare planè cæcutiunt, qui durationem hujus Occidentalis imperii, cujus nomen & successio, adhuc durare præsumitur. Ex vaticiniis Danielis & Joannis, prorogare student, usque ad consummationem sæculi: ex quibus nō improbabiler contrarium posse colligi, nempe, Imperium hoc brevi esse interitum, in responsione ad questionem tertiam, cum bono Deo, ostendemus, itaque,

Respondeo,

Ad TERTIAM, *Præsens Imperium Germano-Romanum brevi interitum esse probabiliter ex Scripturis colligitur*. Et quidem ex tribus potissimum argumentis. *Primò*; ex lathali Romanæ Bestiæ vulnere, Apoc. 13, *Deinde*; ex quinque mensibus Tubæ quintæ, Apoc. 9. *Tertio*;
ex

ex decem regibus fornicariam odio persequentibus, & persequuturis, Apoc. 17. quæ singula nunc latius de ducenda, & propius inspicienda, atque examinanda sunt.

PRIMUM argumentum desumitur, ex qualitate illius plagæ, quæ Bestiæ Romanæ, id est, regno Antichristi infligenda prædicitur, Apoc. 13. 3. *Et vidi unum, de capitibus suis, quasi occisum in mortem.* Unum, id est, præcipuum. Jam antè vidimus, esse hanc plagam, non sexti capitis, id est, Romanorum Imperatorum: sed septimi capitis, id est, ipsius Antichristi; & eandem materialiter in eo consistere, diximus; quod decem reges, sive regna, qui cum Antichristo jam ante fuerant fornicati, ab eodem defecturi sint. Sed hîc duo alia insuper addenda sunt. *Primo*; qualis futura sit hæc plaga? *Deinde* quanta, & quo usque sit progressura? Plaga erit infligenda per prædicationem Evangelij, & plaga quæ lento quodam gradu perficienda est; quomodo si quis tabe affectus, lentè & sensim consumitur. Ideò Paulus hanc plagam vocavit; *Consumptionem*, quandam, quæ Spiritu oris Christi, id est, efficaciam Evāgelicæ prædicationis perficitur. 2 Thess. 2. Et Joannis eam appellavit, *illam plagam illius gladij*, Apoc. 13. 14. nempe spiritualis, de quo suprâ mentio facta erat; quemque nominaverat, *Gladium oris Christi.* Apoc. 1. 16. & 2. 16. Paulus eundem jam antè indigetaverat; *Gladium Spiritus* Ephes. 6. 17. & *Gladium vivum, & efficacem, & penetrabiliorem omni gladio ancipiti.* Heb. 4. 12. Et jam pridem coepta est hæc plaga infligi per nostram Reformationem.

Tanta autem futura prænunciatur, ut regnum Antichristi habendum sit suo tempore pro regno penitus quasi collapsio, & quodammodo mortuo; expresse dicitur; *quasi occisum in mortem*: ita ut idem sanatum sive restitutum, videatur quasi ex mortuis resurrexisse. Apoc. 13. 14. & illa ejusdem resurrectionis habeatur instar magni alicujus miraculi; quam universa terra

D

admira.

admirabitur, & eâ per movebitur, ad adorandam, & sequendam de novo Bestiam, hanc Antichristianam: Apoc. 13. 4. quod tamen nondum conspicimus impletum: sed brevi implendum esse non dubitamus.

Quamplurima enim regna olim Romano Pontifici subiecta, per prædicationem Evangelij ab ipsius obedientiâ jam pridem fuerunt avulsa: nondum tamen omnia, nedum præcipua. Ex illis duo adhuc restant præcipua regna, quæ hæcenus labascentem Romanam Rempublicam, quasi fulcra sustinuerunt; Hispania, & Germania: quæ brevi etiam à Romano Pontifice sunt defectura; ut vulnus hoc læthale, tandem ad suam maturitatem pertingat. Imprimis verò Imperator Germano-Romanus cujus imperium ad ruinam nunc inclinât, beneficio Evangelicæ prædicationis, brevi è medio tollendus est; ut illa etiam larva Pontifici Romano, quâ hæcenus multorum Christianorum oculos fascinavit, (*Vetus Romanum imperium in Germaniâ perdurare; proinde Antichristum nondum venisse*) detrahatur. Qui itaque ex principibus Evangelicis, hoc Dei opus de exterminando Romano imperio incæperunt, in eo fideliter & constanter, pergant ac perseverent, cum certâ spe, brevî se voti sui compotes fore. Deus enim, qui hæcenus eorum operi benedixit, ut multum promota sit hæc læthalis plaga regni Pontificij, eidem porro benedicturus est, donec verba ejus consummentur, & Bestia Romana videatur, quasi occisa in mortem.

SECUNDUM argumentum desumitur ex *quinque mensibus* Tubæ quintæ. Apoc. 9. 5. *Et datum est illis ne occiderent eos, sed ut cruciarent mensibus quinque.* Et vs. 10 *Potestas earum nocere hominibus mensibus quinque.* Nulli enim dubium esse potest, quin certum ac definitum aliquod tempus, *quinque illis mensibus*, à Spiritu Sancto præfiguretur. Numerus enim *quinarius*, nunquam indefinitè ponitur: quia non est numerus plenus, sive perfectus:

Aus: & *quinque menses*, bis repetuntur: ut hâc ipsâ repetitione indicetur, pandi hic singulare aliquod mysterium, de duratione harum locustarum Spiritualium, quamdiu eæ sint grassaturæ, & quando interituræ: quod nunc inspicemus, & in timore Domini indagabimus: Ad quod tria prænotanda sunt,

Primum, hanc tubam quintam esse tubam ipsius Antichristi, utpote qui jam pridem ex spirituali Ecclesiæ episcopo, factus sit Princeps terrenus, & pro clavibus cœli, *clavem* acceperit *abyssi*, quâ inferum aperit: & animas in purgatorio laborantium, è flammis inferni eripit, & liberat, si modò vera nobis narrent purgatorij præcones. Et nomen Antichristi, quod in Græcis Ecclesiis notissimum erat ex Paulo. 2 Thess. 2. illi attribuitur. Dicitur enim Apollyon, sive *ὁ ἀπωλειας*, quod nomen Judæ proditori à Domino est appropriatum, qui sub nomine Apostoli, Christi fuit adversarius, & in eo figuram gessit Antichristi.

Omnia quæ Paulus 2 Thess. 2. de Antichristo prædixerat, tam benè conveniunt cum iis, quæ à Joanne hoc loco typicè repræsentantur, ut ovum ovo non possit esse magis simile. Antichristi adventus apud Paulum, est cum omni operatione Sathanæ: & adventus hujus Appolyontis, est cum apertione putei infernalis: Antichristus apud Paulum est caput universalis apostasias: & hic Apollyon, causa est universalis obscurationis; *Sol enim & aër abscurantur* ex fumo ejus: Antichristus apud Paulum, neminem seducit, nisi reprobos, qui non habuerunt charitatem veritatis, sed pereunt: Et hîc Appollyon, nullis etiam alijs nocet, quàm ijs, qui non habent, *signum Dei in frontibus suis*. Tandem uno & eodem nomine idē utrobique exprimitur, *Ἀπολλυων* sive *ὁ ἀπωλειας*, perdens, & perditus, introducens sectas perditionis, ut Petrus loquitur. 2 Petr. 2. 3.

Neque ego primus sum, qui hanc tubam expono de revelatione ipsius Antichristi: sed jam ante mille annos eandem

de Antichristo interpretatus est Gregorius Magnus, lib. 4. Epist. 38. ad Ioannem Patriarchum Constantinopolitanum; Rex, inquit, *superbia propè est, & quod nefas est dicere, Sacerdotum ei preparatur exercitus.* De Antichristo loquitur, & loquitur de eo cum certo respectu ad hanc Tubam. Hinc enim eum qui hîc Rex, dicitur, & *Angelus Abyssî*; appellat, *Regem superbia: & Sacerdotum* meminit, quales hæ locustæ sunt quæ in capitibus suis aureas gestant coronas, quæ Sacerdotum in Apocalypsi, & in ipso Papatu sunt insignia: Ac denique eos, *preparato exercitui* assimilat: quæ similitudo est harum locustarum; *ut quæ similes sunt equis paratis in prælium.*

PAPAM excipiat Cardinalis, & Cardinalem Episcopus; ut in ore horum trium insignium Papistarum consistat hæc Veritas, *Hugo Cardinalis*, ad locum; *Apertionem putei abyssî*, interpretatur, *Revelationem Antichristi: & exitum locustarum, falsos illius prædicatores*: & ipsum Regem, appellat Antichristum: & nomen Hebraicum, *Abaddon*, dicit idem esse, quod; *Pater iudicans*: quod nomen illi probè convenit, qui se profiteretur summum omnium controversiarum *judicem*: & qui nomen per excellentiam obtinuit, *Papa*, sive Patris. *Ioannes Chemensis Episcopus*, in onere Ecclesiæ cap. 42. etsi magnum aliquem Antichristum venturum dicat in fine seculi, quem nos quoque venturum non negamus: tamen mixtum aliquem fingit Antichristum, Romanum Papam, & de eo hanc Tubam exponit verbis quæ sequuntur; *In hoc idolo Antiochi figuratur Pontifex abominabilis ob defectum vitæ: Et dicitur desolationis, ob Ecclesiam à statu debito per eum desolandam. Qui Pontifex Diaboli procuratione Ecclesiam Dei ponet in presenti quinto Ecclesiæ statu.* Et mox; Mixtus ille Antichristus, rectè dicitur, *Angelus abyssî*, quia per abyssalem malitiam, & procurationem demonum, ac per sui ipsius ambitiosam astutiam, Papatum tyrannicè usurpabit: ut merito nuncupetur *Angelus abyssî*, quasi *Diabolicus nuncius Ecclesiastica vastitatis*:

SECUNDO

SECUNDO prænotandum; nomine harum *locustarum*, intelligendos esse Sacerdotes Pontificios, qui vertice sunt rasi, & missas celebrant pro defunctis ex purgatorio liberandis, quas vocant, verum & reale Sacrificium propitiatorium pro peccatis viventium & mortuorum. Id apparet ex duobus, *primò*, ex eo, quod hæ locustæ dicantur habere in capitibus suis coronas aureas: quales sunt Sacerdotes rasi, qui rasuram, suam coronam vocant, & eandem æquiparant coronis aureis regum. *Deinde*, quod hæ locustæ oriantur ex fumo putei abyssi; quales sunt Sacerdotes Missatici offerentes missas pro defunctis ex purgatorio liberandis. Nam ex doctrinâ de purgatorio, præter alios infinitos in papatu errores, etiam exorti sunt Sacerdotes illi missatici. Rasura enim verticis, & sacrificium Missæ propitiatorium verum & reale, tardius in papatu fuerunt introducta, postquam aliquamdiu, ad flammam & fumos purgatorii fuit trepidatum.

Ignotum enim illud sacrificium fuit Lombardo lib. 4. dist. 12. & toto cælo differt à sacrificio veterum: neque fuit in Ecclesiâ receptum per annos à Christo nato 1200. quomodo nec ipsum nomen transsubstantiationis; nec ipsa capitis rasura ita ut nunc longè alij facti fuerint Sacerdotes, quàm fuerant antè; novæ videlicet locustæ, quæ hominum conscientias excruciant doctrinâ imprimis, de incertitudine salutis: & pœnis purgatorii. Sermo hic itaque est de novis Antichristianissimi Sacerdotibus, qui locustis assimilantur.

TERTIÒ prænotandum. Quinquè locustarum menses, propriè acceptos, esse totam durationem locustarum naturalium. Non enim illæ toto anno grassantur, sed cantillant, saltant, depascunt gramina vix quinque mensibus calidioribus, ab Aprili ad Septembrem: sed hic in typum adhibentur ad designandam totam durationem locustarum spiritualium, & quidem durationem definitam, sive determinatam spatio quinque

quinque sæculorum. Dico; Quinque menses hic adhiberi in Typum quinque sæculorum. Prob. *Primò* considerantur hæ locustæ, quasi multitudo quædam hominum, qui regem sibi præfectum habent, tanquam in suo regno. Jam verò tempus quinque sæculorum, id est, annorum quingentorum, fatalis esse solet regnorum, sive imperiorum periodus, ut observavit cum alijs multis Carion lib 4. de Henrico 4. Imperat. *Deinde*, quinque menses, positi sunt quasi *quinque luna*. Nam tres lunæ, ponuntur pro tribus mensibus. Exod. 2.1. At luna præest generationi hominum, qui hæc vel illâ lunâ dicuntur nati, ita ut quinque menses hic accipi possint pro quinque hominum generationibus, id est, pro quinque sæculis. *Generatio* enim hominis in Scripturis accipitur pro seculo centum annorum. *Denique* certum est in hac tubâ quinta respici ad plagas Ægypti, in qua olim spissæ tenebræ factæ sunt: & exortæ locustæ: ac populus in Ægypto dicitur fuisse tanquam in fornace magnâ: quarum omnium quoque fit mentio, hîc Apoc. 9.2. 3 Quid mirum ergo in his quinque mensibus, quibus Ecclesia visibilis ex cruciata fuit ab his locustis, respectum haberi ad quinque generationes, quibus populus Israelis in Ægypto fuit captivatus? Post *quartam generationem* Gen. 15. imò quintâ generatione, aliquamdiu inchoatâ teste Paulo Galat. 3. populus ille ex Ægypto reversus est. Tota igitur duratio harum spiritualium locustarum, est quinque sæculorum.

His præmissis, sic argumentor; Sacerdotes Missatici rasi, tantum durabunt & regnabunt, quinque sæculis. Ergo jam instat illorum interitus. Exorti enim illi sunt, ut statim monuimus, anno à nato Christo, 1200. quibus si addantur anni 500. quæ tota eorum duratio, exhibet annus 1700. Hic itaque annus eorum fatalis est, Quis vero nescit, jam quintum hoc sæculum decurrere, & ferè ad dimidium perductum esse? Tempus itaque prope est, quo brevi Christianus orbis ab hac fece liberabitur,

bitur, & ex consequenti, quo ruiturum est Imperium præfens, Germano Romanum, quod his locustis adhuc ex parte relinquitur depascendum. Theologis, Iuris consultis, & ipsis Thalmudistis regula est usitata; Tempus inchoatum pro cōpleto haberi. Coniungant itaq; omnes Reges & Principes Evangelici suas copias, & locustas hasce Ægyptiacas ex agris illius Imperij propulsent, ne quod reliquum est Ecclesiæ, comedant & devorent.

Tertium argumentum desumitur, ex vaticinio Apocalyp-
tico, de decem regibus, sine regnis, qui regnum Antichristi sunt
pessundaturi, & propriam ejus sedem igne concrematuri.
Verba disertæ sunt Apoc. 17. 16. *Et decem cornua, quæ vidisti in
Bestia. Hi odient fornicariam, & desolatam facient illam, & nudam,
& carnes ejus manducabunt; & ipsam igni concremabunt.* Quibus
verbis non describitur subitanea & improvisa quædam de-
solatio, qualis futura est Romani imperij novissima, de quâ
dicitur Apoc 18. v. 8. 10. *In unâ die, imò, in una horâ, id est, uno
& eodem tempore venient plagæ ejus:* sed indicatur desolatio
quædam præcedanea, lenta & quasi gradualis. *Primò* decem
Reges habebunt eam odio, deficiendo sive separando se ab
eâ, qui primus est odij effectus, ut qui affectus sit separationis.
Deinde, suis divitibus, & ornamentis, eâ exuent, ut sit quasi mulier
deserta & nuda. *Denique*, carnes illius comedent, & eam igne
cōcremabunt, qui extremus est odij internecini effectus, quo
ipso Deo gratū offerent sacrificium, convivantes de carnibus
ejus, & quod reliquum est igne consumentes. Deuter. 8. 31. 32

Et præcedaneam aliquam hic designari desolationem, ap-
paret, *primò* ex eo, quod decem illi Reges pro Bestiâ, in secun-
do adventu cum Agno sint pugnaturi, Apoc. 17. 14. collato cū
Apoc. 16. 14. & 19. 19. Ergo hæc eorum adversus Bestiam &
sedem ejus conspiratio, erit præcedanea. *Secundò*, ex eo, quod
hi Reges finalem Romæ interitum plangent ac deflebunt,
Apoc.

Apoc. 18. 12. Ergo hic interitus præcedet, utpote, in quo illi futuri sint actores & promotores. Nihil certius. Ac videmus id jam pridem magnâ ex parte cœpisse ad impleri: & dubium non est, quin ex hoc oraculo, idem brevi sit perficiendum. Pauci quidam ex illis regibus super sunt, Germania imprimis & Hispaniâ, quæ adhuc cum Bestiâ conspirant, & hætenus in obedientiâ Romani Pontificis perstiterunt, sed prorsus est sperandum, eos etiam brevi defecturos, & id perfecturos, quod ex hoc oraculo adhuc restat implendum. Nunc præsens Germano-Romanum imperium, plenis velis ad ruinam provehitur, & Regnum Hispaniæ concuti cœpit, quæ certissima sunt præludia, instantis desolationis illius, quæ hic à Joanne est prædicta. Faciant itaque Reges & Principes Evangelici opus Domini diligenter, certò persuasi laborem suum in Domino non futurum inanem.

Equidem scio Regnum Pontificium, tandem iterum ex hoc læthali vulnere sanandum ac restituendum esse: non tamen idcirco remissiores, aut segniore fieri debent Evangelici Principes in eo extirpando. Non enim fiet illa restitutio, nisi in finali Judæorum conversione, quæ longius adhuc abest. Convertendi illi sunt proximè ante novissimam Antichristi restituti persecutionem, ut videre est, Apoc. 11. 1. 2. Ubi *Templi, & altaris dimensio*, Judæorum significat conversionem. Judæi enim sunt, qui olim in templo adorare erant soliti; & illi expresse à *reliquis gentibus* distinguuntur, quæ sub Antichristo militantes novissimam illam in Judæos, & alios veros Christianos, persecutionem suscitabunt. Immediatè verò ante illam persecutionem, vulnus læthale Bestiæ sanabitur, & regnum ei restituetur, à populis Orientalibus sub Dracone Euphratæo cum ipso conspirantibus Apoc. 13. 4. 5. quod adhuc in longum tempus differtur, ut alias demonstrabitur.

Falluntur, qui existimant consummationem sæculi brevi affutu-

affuturam. Semper enim fuit celebris multorum Christianorum, cum veterum, tum recentiorum opinio; *Mundum duraturum esse sex millibus annorum*; quia videlicet creatus fuit sex diebus, & die septima fuit Sabbathum. *Dies enim una*, inquiunt ex 2 Petr. 3. 8. *sunt apud Deum, sicut mille anni : & mille anni sicut dies una*. Ita Justinus, Irinæus, Lactantius, Hilarius, Hieronymus, Augustinus, ac cæteri ferè omnes. Cui sententiæ concordat etiam Thalmu distarum opinio, qui ex Heliâ Propheeta dicunt se vaticinium habere, quo asseratur, *mundus sex millibus annorum duraturus*. Nec potest hæc sententia per experientiam redargui. Nam secundum veram Chronologiam sunt elapsi à mundo condito, anni quinquies mille sexcenti. Ideò eandem nunc etiam tenent & sequuntur, inter Pontificios, Bellarminus, inter Reformatos, Per. Molinaus; qui illi insuper firmandæ, certissimam & firmissimam rationem quandam adhibuit, ex intimis Astrologiæ petitam, ut videre est in libello Gallico cui titulus ; *L'accomplissement des Propheties*, in 16. pag. 266, 267.

Mundus itaque ex sententiâ Doctorum, adhuc durare debet annis plus minus quadringentis, quando tempus aderit novissimæ tubæ, quæ *tuba erit consummationis*. Apoc. 10. 7. Et statim post novissimam persecutionem Antichristi, tubæ illius clangor audietur. Et omnia *Regna hujus mundi fient Dei, & Christi ejus, & Sancti regnabunt in secula seculorum*. Apoc. 11. 2. 15. Proximè verò ante illam novissimam persecutionem ut jam sæpe monui, læthale Bestiæ Antichristianæ vulnus sanabitur Apoc. 13. 3. 4. 5. Longius itaque adhuc abest illud tempus restitutionis. Diligentem ergo operam navent Evangelici Reges & Principes veræ religionis & libertatis amatores, & Assectores; ut regnū hoc Antichristi, quod labefieri cœptum est porrò ex scindatur penitus, quò verè dici possit *quasi occisum in mortē*. Sint memores prophetici illius præcepti, Apoc. 18. 6.

E

Reddite

Reddite illi, sicut & ipsa reddidit vobis: & duplicate ei duplicia, secundum opera ejus: in poculo quo miscuit vobis, miscete illi duplum. Sicenim brevi speratur futurum, ut eversis regnis, Germaniæ & Hispaniæ, & sublati in universum Monachis, regnum corruat Antichristi, & Judæorum conversio ad fidem Christi promoveatur, quæ Pontificiorum cultu idololatræ potissimum impeditur; quæque peractâ novissimâ, Antichristi novissimi, persecutione, statim secum trahet finalem ejus interitum, & seculi consummationem, in secundo Domini adventu.

Summa omnium dictorum.

Præsens imperium Germano-Romanum
brevi interitum esse.

I. Quia læthalis plaga Regno Pontificio infligenda tempore Reformationis, nondum est ad maturitatem perducta, ut ipsum jure dici possit, *quasi occisum in mortem*. Apoc. 13. v. 3. Ergo illa regna, quæ Papatui stabiliendo adhuc inserviunt, inter quæ præcipua sunt regna Germaniæ & Hispaniæ, brevi à Romano Pontifice sunt defectura.

II. Quia quinque menses locustis Missaticis rasis attributi Apoc. 9. 5. 10. typi sunt quinque Generationum sive sæculorum, quibus perdurare debent, nempe ab anno exortus eorū 1200. usque ad annum interitus eorum 1700. quod sæculum septingentesimū, quia nunc decurrit, & ad medium ferè pervenit: necessario sequitur, quod brevi evertenda, vel convertenda sint regna Papatui adhuc subjecta.

III. Quia decem reges olim Romano Pontifici obnoxij, nondum consummarunt desolationem illam Apoc. 17. 17. quæ tamen jam pridem inchoata fuit; quare prorsus sperandum

dum est, eam brevi perficiendam esse, in ipsis regnis Germaniæ & Hispaniæ potissimum; quæ etiamnum sunt præcipua Romani Pontificis fulcra, & sustentacula.

IV. Prorsus temerarij & frustranei sunt, qui ex vaticinijs Danielis & Joannis conantur ostendere contrarium: ut qui nihil directè & explicitè de illis regnis sint loquuti. Longè aliud est Romanum Imperium, quod in Scripturis prædicitur continuandum usque ad consummationem sæculi: aliud verò imperium Romanū Caroli Magni, aut præsens Romano-Germanicum, quod ex Scripturis probabiliter colligitur brevi ruiturum.

Dicit qui testimonium perhibet istorum. Etiam
venio citò: Amen: Etiam veni Domi-
ni J E S U. Apoc, 22. 22.

A P P E N D I X.

QUIA aliquoties in præcedentibus, facta est mentio, *Quadráginta duorum Mensium*, breviter quid de iis sentiendum sit, ne quid lectorem remoretur, adjiciam. Ac primò sciendum; Unum idemque tempus esse, quod tùm in Daniele, tùm in Apocalypsi sub varijs formis sæpè repetitur, nunc sub hac; *Menses quadráginta duo*. Apoc 11. 2. & 13. 5. nunc sub illâ; *Dies mille ducenti sexaginta*. Apoc. 11. 3. & 12. 6. Nunc denique, sub istâ; *Tempus, Tempora, & dimidium temporis*. Dan. 7. 25. & 12. 7. Apoc 12. 14. quod probè observatum est à Paræo in Apoc. 12. 6, *De his diebus, inquit, utrobique Apoc 11. 3. & 12. 6 agitur, Erant ibi tempus Prophetiæ duorum testium; hic sunt tempus Exilij mulicris in deserto. Idem tempus quadráginta duorum mensium ibi erat conculcationis urbis Sanctæ: & erit Apoc 13. v. 5. grassationis Bestiæ in Sanctos. Eodem igitur tempore Ecclesia exulabit*
E 2 *in deserto*

*in deserto: & urbs Sancta conculcabitur: & duo testes prophetabunt:
 & Bestia bello persequetur Sanctos. Ibunt ergo hac paribus passibus.
 Hæc ille. Sciendum secundò, Hos quadraginta duos menses, non
 esse totam durationem regni Antichristi, simpliciter & abso-
 lutè considerati: sed tantum regni sævissimi, & gravissimæ
 persecutionis, sub Antichristo in eo genere & ordine novis-
 simo, ut rectè distinxit Augustinus. Haud etiam negligendum
 est illud Ambrosiastri in Apoc. 13. *Difficile videtur, ut in tam
 parvissimo tempore, id est, tribus annis, & dimidio, omnes gentes sibi
 subdicere, & ad suam culturam genus humanum præter paucos Electos,
 possit adducere Antichristus. Et sicut mihi videtur, in tribus annis, &
 dimidio persecutionis tempus tantummodò comprehenditur.* Scien-
 dum Tertiò, Eos menses quadraginta duos, propriè & literaliter
 accipiendos esse: quod quia est contrà sententiam ferè omni-
 um Recentiorum, firmiter hoc loco erit, probandum. O-
 mnes Antiqui Patres, tam Græci, quam Latini, unanimi con-
 sensu eos propriè acceperunt pro tribus annis & dimidio,
propriè dictis, id est, acceperunt eos, de mensibus non anno-
 rum, sed dierum. Et confirmatur hic syncerissimus eorum
 intellectus, sequentibus argumentis. *Primò*, quia hi quadra-
 ginta duo menses incidunt in finem tubæ sextæ. Apoc. 11. 2.
 Velle autem in fine tubæ sextæ, adhuc numerare menses qua-
 draginta duos annorum, est cum ratione velle insanire. *Dein-*
de, quia iidem quadraginta duo menses, statim Apoc. 11. v. 3.
 resolvuntur in dies mille ducentos sexaginta: ac si expressè
 dictum esset; non hic agi de mensibus annorum, sed de men-
 sibus dierum. Hinc Augustinus; *Ex numero dierum posterius posi-*
to, tempus antecedens dilucescit. *Tertiò*, iidem menses sunt tem-
 pus extraordinariæ & miraculosæ prophetiæ duorum testiu-
 um, qui simul suam prophetiam inchoabunt, & simul finient.
 Simul eodem mortis genere interficientur, & simul eodem
 tempore eorum cadavera jacebunt inhumata: simul denique
 eodem*

eodem tempore ex mortuis resurgent, & simul adscendent ad cœlos: quibus tribuere velle menses quadraginta duos annorum, est illis vitam tribuere longiorem, quam futura fuerat vita paradisi; quæ ut quibusdam veteribus videtur, vita fuisset mille annorum: postquam translati fuissent in paradysum cœlestē. *Quartò*, Tribuuntur his testibus occisis tres dies cum dimidio propriè dicti: quibus eorum mortua corpora publico hominū patebunt ludibrio in plateis. Longius autē cadavera in locis publicis tolerari non possent propter intolerabilem eorum fœtorem. Ergo & dies prophetiæ eorum, erunt dies propriè dicti. Ideò Andræas; *Posteaquam tot dies extincti fuerunt, quot annos vaticinati fuerint, denuò resurgent.* *Quintò*; Nusquam in totâ Scriptura legitur mensis, positus esse pro mense annorum. Et prorsus absurda esset ejusmodi positio, ut mensis accipiat pro triginta annis, quia constat triginta diebus. Solet ille in Scripturis appellari, Mensis dierum, id est, integer, sive perfectus: Et talis interpretatio ut dixi, caret omni exemplo. *Sextò*; Menses quadraginta duo, idem tempus faciunt cum *Tempore, Temporibus, & dimidio temporis*, apud Daniele: & ubique eadem tempora eodem modo accipienda sunt; ut non aliud tempus intelligamus initio positum; alia tempora, in medio; & aliud, medium tempus, in fine. At istis temporibus, menses quadraginta duorum annorum, ut posita sunt, accommodari nequeunt. *Septimò* denique; Apud Daniele, *Tempus* accipitur pro anno uno, Dan. 4. ubi aliquoties legimus *septem tempora*, pro septem annis. Ergo *Tempus* significabit, unum annum; *Tempora*, annos duos; *Dimidium temporis*, dimidium anni. Vnde Hieronymus, & post Hieronymum, imò post Antiquitatem univèrsam, Augustinus lib. 20. de Civit. Dei cap. 23. *Tempus & Tempora, & dimidium temporis, sunt annus unus, & anni duo, & dimidius annus, id est, tres anni & semis.* Videntur quidem *Tempora* indefinitè hic dicta linguâ Latinâ: sed per dualem numerum

dicta sunt, quem Latini non habent. Sicut autem Græci, ita hunc dicuntur habere, & Hebraei. Sic ergo dicta sunt tempora, tanquam dicerentur, duo tempora, id est, anni duo. Hæc omnia & singula, & similia plura devoranda sunt iis, qui hos menses quadraginta duos, aliter interpretantur, quàm de usitatis nostris annis tribus & dimidio. Argumenta in contrarium nulla sunt, excepto hoc unico; *Quod hic sermo sit de duratione alicujus Imperij magni & robusti cujus durationem circumscribere velle, solis mensibus quadraginta duobus propriè dictis, prorsus videtur absurdum.* At jam ante respondimus, non determinari iis mensibus, totam durationem Regni Antichristi, sed tantum Regni sævissimi, & novissimæ persecutionis, sub Antichristo in illo ordine & Regno, novissimo. Verùm de his, ut & de aliis præcedentibus, plura, cum bono Deo, dicenda nobis erunt in tractatu nostro, de Antichristo. Textus interea cogit, ut hujus temporis descriptionem accipiamus, de solâ duratione novissimæ persecutionis. Triplex enim Antichristi status describitur, Apoc. 13. *Primus*, est ortus & accretionis vers. 1. & 2. *Secundus*, est, lapsus & defectionis. vers. 3. *Tertius*, est, resurrectionis sive restitutionis. vers. 4. Hanc verò regni ejus restaurationem sequetur vers. 5. *tempus quadraginta duorum mensium.* Verba sunt; *Data est ei potestas facere menses quadraginta duos.* Vbi quidam notant verbum, *faciendi*, absolutè positum, significare effrenatam ipsius dominandi libidinem, & licentiam agendi quicquid libuerit. Alij *facere tot menses* interpretantur de permansione, sive duratione, tot mensium: quomodo Apostolus Jacobus dixit cap. 4. v. 13. *Faciemus ibi annum unum.* Alij denique sub intelligunt vocem *πολεμον* ex vers. 7. quam quædam Græca exemplaria etiam hoc loco habent expressam. Et optima illa interpretatio est, quæ variantes lectiones conciliat: ac proxime accedit ad reliquas contextus circumstantias. Sed quomodocunque accipiat, semper manet, hos menses

menes, sequi regnum Antichristi restitutum, sive ex morte quasi redivivum: & sensus manet idem, quem Augustinus expressit, esse eos menses regni *sevissimi, & novissima persequentio- nis*, sub Antichristo novissimo, quem Dominus aboliturus est illustratione presentiae suae. Ita enim ille lib. 20 de Civit. Dei cap. 23. *Antichristi (novissimi) adversus Ecclesiam sevissimum regnum, licet exiguo temporis spatio sustinendum, donec Dei ultimo judicio regnum Sancti accipiant: qui vel dormitans hac legit, dubitare non sinitur. Quod ne ipsi quidem doctissimi Jesuitae, Pererius & Suaresius diffitentur. De quibus alias plura. Hic itaque finio.*

D. Larenus.

ERRATA.

Pag. 22. pro Odoacre, lege, *Augusto*. Pag. 23. completum fuit. lege, compleri coeptum fuit. *Reliqua corrige ipse Lector.*



Handwritten text in a historical script, likely Latin or a similar European language. The text is arranged in several lines, with some words appearing to be in a different script or dialect. The handwriting is somewhat faded and the ink is light.

Handwritten text in a historical script, likely Latin or a similar European language. The text is arranged in several lines, with some words appearing to be in a different script or dialect. The handwriting is somewhat faded and the ink is light.



